

La sisile e un cûr bessôl

Tu cidine e cujetute,
ben tornade di lontan,
o me çjare sisilute,
ti saludi cu le mân.

Al'è tant che jo ti spieti,
e cun te vuei fevelà,
jo vuei diti e un gran ripeti,
reste reste .. simpri cà.

Reste pûr te me çjasute,
cujetute sul tò nîr,
scolte scolte, sisilute,
scolte scolte, chest invîr.

Çjante pûr ogni matine,
çjante fuàrt, che mi va al cûr,

Poesie e Racconti Friulani

jo ti scolti birichine,
cuant che adore 'o salti fûr.

Tra il salustri e chel cidin,
mi console il tò cjantà,
e tu cul voli birichin,
simpri pronte par svolà.

Mai lassâmi, sisilute,
stami dongje, sta cun me,
'O soi bessôl .. ce vite brute,
e cumò ti ai dit parcè.